



Kiwanis Club of Aruba:

Celebracion di 50 aniversario

Cu gran honor Kiwanis Club of Aruba a celebra su 50 aniversario dia 20 di februari y celebrando tambe e fundacion di e famia di Kiwanis riba nos isla. E fundado sr. Clint Whitfield (q.e.p.d.) tabata un persona cu vision, determinacion y perseverancia.

Na momento cu a acerca e na 1963, pa su amigo Arthur (Tula) Jesserun den feliz memoria, pa inicia cu Kiwanis Club of Aruba, e no a duda. Ya e aña siguiente tur cos tabata organisa, teniendo Kiwanis Club of Curaçao y Rideau Kiwanis Club of Canada como e sponsornan di e club. Kiwanis

Club of Aruba a 'chartered' riba diabierna 20 di februari 1965 y riba mesun anochi a funda e club durante un reunion teni na Aruba Caribbean Hotel.

E prome presidente a bira sr. Whitfield y despues el a fungi tambe como Lieutenant Governor den e organisacion di Kiwanis durante varios aña. E tabata unico miembro den e division cu a sirbi como Governor na 1978-1979 pa Eastern Canada & the Caribbean District.

Sr. Clint Whitfield a fayece 12 di januari 1993 na edad di 82 aña lagando su legacia atras. Pa conmemora na su honor

e fundacion di Kiwanis Club of Aruba, a coloca un ofrenda floral na e graf di sr. Whitfield a fomenta di e celebracion di 50 aniversario, unda cu e presidente, sra. Majory Clark, a hiba palabra demostrando respet na e fundado di e club.

Den e oranan di anochi e miembronan di Kiwanis Club of Aruba conhuntamente cu e invitadonan a reuni na La Trattoria El Faro Blanco pa e gran Celebracion Oro.

E presidente di e club, sra. Clark, a habri e celebracion oficialmente pa despues sr. Guito Croes, e presidente anterior di e club, cu a fungi como MC, a yama riba escenario sr. Prakash Gupta pa e oracion.

Sr. Gupta a resalta, cu e miembronan di e club no mester sinti nan mes orguyoso cu ta sirbi comunidad, sino ta gradici cu Señor ta duna nan e oportunidad pa sirbi. E presidentenan di e diferente clubnan di Kiwanis cu tabata presente, a felicita y haci entrega di un toke di aprecio na Sra. Clark pa 50 aniversario di



Kiwanis Club of Aruba.

Den e discurso di Marjory Clark, el a elabora riba e 50 aña di existencia di e club, desde su inicio, unda cu sr. Whitfield, como e fundado y te cu awe, por conta cu Kiwanis Club of Aruba. sr Whitfield a fomenta 1 gobernador, 10 Lieutenant Governor y 45 presidente, incluyendo e mes como actual presidente.

"Nos ta hopi privilegia di por tin ainda un 'charter member' activo den nos club. Aunke e no ta presente debi na problema di salud, mi ta pidi un aplauso pa FK. Oscar Antoinette tabata t'ey desde inicio di nos club y ta apasiona cu e slogan 'we build.' Esaki tabata slogan di Kiwanis International pa hopi aña te cu el a converti den 'Serving the Children of the World.' Na final di Marjorie su dis-

curso como presidente, el a propone un brindis pa tur Kiwanian di Aruba y pa Kiwanis Club of Aruba su 50 aniversario, y pa continua cu e bon trabou manteniendo e posicion cu e club tin actualmente den e comunidad. Lo continua sirbiendo y entregando cu un bon curason, yudando otro y en particular e muchanan di Aruba.

E parti oficial di e celebracion no ta totalmente completo den e espirito di Kiwanis Club of Aruba, si no haci entrega di algun donacion na e organisacionnan y en particular na esunnan cu ta traha na beneficio di e muchanan.

E prome cu a yama dilanti pa ricibi un cheque ta Fundacion Ban Uni Man pa Cria nos Muchanan. E representante sr. John Fun a bisi di sinti hopi su mes honra cu e por ricibi e suma di 25,000.00 florin y cu e donacion aki lo yuda 80 mucha durante 1 aña completo. E siguiente organisacion pa ricibi un donacion di 10,000.00 florin tabata Fundacion Respetami, cu lo destina e suma aki na nan proyecto Cunucu Familiar cu tin como obhetivo, pa haci nos mas consciente di e peligrosnan di abuso di menor cu por sosode den nos propio seno familiar. E ultimo donacion di 10,000.00 florin a wordo entrega na Fundacion pa nos Muchanan, cu lo dedica esaki na e derecho di e muchanan y cu lo ricibi e debido atencion e aña aki. □

